



JUDICIAL SYSTEM MONITORING PROGRAMME  
PROGRAMA MONITORIZASAUN BA SISTEMA JUDISIÁRIU

## Sumáriu aktividade assistensia legál periodu fulan Marsu 2022

### Intrudusaun

Iha periodu fulan Marsu 2022 JSMP liuhusi Unidade Apoia ba Vítima kontinua fó assisténsia legál ba vítima fetu no labarik iha Munisípiu sira mak hanesan Munusípiu, Dili, Ermera, Likisa, Aileu, Bobonaro (Maliana) no Vikeke.

### Atividade assisténsia legál

Husi aktividade assisténsia legál iha período fulan Marsu 2022 ne'e, JSMP konsege fó assisténsia ba kazu envolve vítima fetu no labarik hamutuk 14, husi kazu 14 ne'e, kazu krime hamutuk 13 no kazu sivíl 1. Kazu sira ne'e refere husi VPU Munisípiu Bobonaro kazu 8, Munisípiu Dili kazu 1, Munisípiu Ermera kazu 3, Munisípiu Likisá kazu 1 no kazu 1 husi Munisípiu Vikeke.


Kazu sira ne'ebé JSMP fó assisténsia legál iha fulan Marsu 2022, mayoria vítima husi krime ofensa ba integridade fízika simples ho natureza violénsia doméstika hamutuk hitu (7), vítima husi krime violasaun seksuál rua (2), vítima husi krime fraude seksuál rua (2), vítima husi krime abuzu seksuál ba menór ida (1), vítima ba krime ofensa ba integridade fízika simples ida (1), no kazu sivíl ida (1) kona-ba ezersísio poder paternál ida.

Husi totál kazu sira iha leten, kazu krime sanolu resin tolu (13) ne'e JSMP refere ona ba PRADET hodi halo ezaminasaun médiku no hafoin halo ezeminasaun ba vítima sira, vítima nain sanulu resin ida (11) mak decide fila ba uma, vítima nain rua hela iha Uma Mahon no kazu sivíl ida (1) vítima hela iha nia uma.

**Tabela 1 : Totál kazu ne'ebé JSMP fó assisténsia legál, durante fulan Marsu 2022**


Tipu kazu	Bobonaru	Dili	Likisá	Ermera	Vikeke	Totál
Totál kazu vítima violénsia bazeia ba jéneru	8	1	1	3	1	14


Totál kazu vítima violénsia bazeia ba jéneru - Marsu 2022



Tipu kazu	Númeru
Ofensa ba integridade fízika simples – VD	7
Violasaun seksuál	2
Ofensa ba integridade fízika simples	1
Ezersísiu podér paternal	1
Fraude seksuál	2
Abuzu seksuál ba menór	1
<b>Totál</b>	<b>14</b>

**Tabela 2 : Tipu kazu asisténsia legál Marsu 2022**





**Tabela 3 : Estatus kazu assisténcia legál Marsu 2022**

Tipu kazu	Fatin refere	Númeru
Ofensa ba integridade física simples - VD	PRADET & Fila ba uma	7
Violasaun seksuál	PRADET & Fila ba uma	1
	PRADET & UMA MAHON PAZ	1
Ofensa ba integridade física simples	PRADET & FILA BA UMA	1
Ezersísiu podér paternál	Sei trata nia dokumentu	1
Fraude seksuál	PRADET & FILA BA UMA	2
Abuzu seksuál ba menór	PRADET & FOKUPERS MARIA TAPO	1
<b>Totál</b>		<b>14</b>

### **Konkluzau**

Durante período fulan Marsu 2022, JSMP konsege fó assisténcia legál ba vítima sira husi kazu violénsia bazeia ba jéneru hamutuk sanolu resin tolu (13) no kazu sivíl ida (1) Kazu sira ne'ebé JSMP fó assisténcia ne'e atraves kontaktu husi VPU sira iha Munisípiu Bobonaro, Dili, Ermera, Likisa no Vikeke.

Husi totál kazu sira iha leten, kazu krime hotu-hotu JSMP akompaña no refere ona ba PRADET hodi halo ezaminasaun médiku no kazu krime rua mak vítima sira deside hela iha Uma Mahon tanba kestaun seguransa, vítima nain sanulu resin rua (12) deside fila ba sira nia uma no vítima kazu sivil ezersisiu poder paternál ne'e JSMP foin trata nia dokumentu atu submete ba Prokuradór.

Atu hetan informasaun kompleitu, favór kontaktu:

Ana Paula Marçal

Diretora Ezekutiva JSMP

Diresaun e-mail: [ana@jsmp.tl](mailto:ana@jsmp.tl)

Telefone: (+670) 33238883 | 77040735

Website: <https://jsmp.tl>

[info@jsmp.tl](mailto:info@jsmp.tl)